

Kia-ს აპლიკაცია

შეტყობინება კონფიდენციალურობის შესახებ

ბოლო განახლება: [2025 წლის 30 აპრილი]

1. [შესავალი](#)
2. [მაკონტროლებელი](#)
3. [მონაცემთა დაცვის ოფიცერი](#)
4. [პერსონალური მონაცემების შეგროვება](#)
5. [პერსონალური მონაცემების ტიპები, რომლებსაც ვამუშავებთ](#)
6. [დამუშავების მიზნები და დამუშავების სამართლებრივი საფუძვლები](#)
7. [ქუჩი-ფაილები და სხვა ტექნოლოგიები](#)
8. [შესაძრე მხარისთვის პერსონალური მონაცემების გამჟღავნება](#)
9. [პერსონალური მონაცემების საერთაშორისო გადაცემა](#)
10. [მონაცემების შენახვა](#)
11. [თქვენი კანონიერი უფლებები](#)
12. [KIA-ს აპლიკაციის გამოყენების პირობები](#)
13. [განახლებები](#)
14. [განმარტებები](#)

1. შესავალი

კონფიდენციალურობის შესახებ ეს შეტყობინება („Kia-ს აპლიკაციის კონფიდენციალურობის შეტყობინება“) შემუშავებულია Kia Connect GmbH-ის მიერ („Kia Connect“, „ჩვენი“, „ჩვენს“, და „ჩვენი“) და იმ პირებს ეხება, რომლებიც Kia-ს აპლიკაციას (ერთობლივად, „თქვენი“) იყენებენ. როდესაც Kia-ს აპლიკაციას, მის სხვადასხვა ფუნქციებს და მახასიათებლებს („Kia App Services“) იყენებთ, თქვენთან დაკავშირებულ პერსონალურ მონაცემებს ისე დავამუშავებთ, როგორც ეს Kia-ს აპლიკაციის კონფიდენციალურობის ამ შეტყობინებაშია აღწერილი. ამ შეტყობინებაში გამოყენებული ტერმინებული ქვემოთ, [14](#) პუნქტშია განმარტებული.

გთხოვთ გაითვალისწინოთ, რომ Kia-ს აპლიკაციის კონფიდენციალურობის შეტყობინების გარდა, საჭიროების შემთხვევაში, ჩვენ შეიძლება თქვენი პერსონალური მონაცემების ცალკე დამუშავების შესახებ გაცნობოთ, მაგალითად, თანხმობის ფორმებში, ან ცალკეულ კონფიდენციალურობის შეტყობინებებში.

Kia-ს აპლიკაციის სერვისები სხვა მრავალ მახასიათებელს და ფუნქციას მოიცავს, რომლებიც თქვენს ავტომობილში კავშირის აქტივაციას საჭიროებს („დაკავშირებული სერვისები“). დაკავშირებულ სერვისებთან მიმართებაში, ჩვენ მიერ თქვენი პერსონალური მონაცემების დამუშავების დეტალები, კონფიდენციალურობის შესახებ ცალკე შეტყობინებაშია მოცემული („Kia Connect-ის კონფიდენციალურობის შეტყობინება“), რომელიც ხელმისაწვდომია ბმულზე: <https://connect.kia.com/uk/kia-connect-privacy-notice/>

2. მაკონტროლებელი

თუ სხვაგვარად არ არის მითითებული, Kia Connect GmbH არის დამუშავებული პერსონალური მონაცემების მაკონტროლებელი, როგორც ეს კონფიდენციალურობის შესახებ Kia-ს აპლიკაციის ამ შეტყობინებაშია მოცემული.

თუ Kia-ს აპლიკაციის კონფიდენციალურობის შეტყობინების, ან ჩვენ მიერ თქვენი პერსონალური მონაცემების დამუშავების შესახებ, რაიმე შეკითხვა გაქვთ, ან თქვენი ნებისმიერი უფლებით სარგებლობა გსურთ, შეგიძლიათ დაგვიკავშირდეთ მისამართზე:

- Kia Connect GmbH, Theodor-Heuss-Allee 11, 60486 Frankfurt am Main, Germany, ელ-ფოსტა: info@kia-connect.eu

ასევე შეგიძლიათ, ჩვენი საკონტაქტო ფორმა გამოიყენოთ, რომელიც ხელმისაწვდომია Kia-ს აპლიკაციის „ჩემი გვერდის“ მენიუში, ან ბმულზე: <https://connect.kia.com/eu/customer-support/contact-form/>

გარდა ამისა, შეგიძლიათ, ჩვენს მონაცემთა დაცვის ოფიცერს ქვემოთ, [3](#) პუნქტში მითითებულ საკონტაქტო მისამართზე დაუკავშირდეთ.

3. მონაცემთა დაცვის ოფიცერი

ჩვენ მონაცემთა დაცვის გარე ოფიცერი დავნიშნეთ. შეგიძლიათ, ჩვენს ოფიცერს შემდეგ მისამართზე დაუკავშირდეთ:

- Kia Connect GmbH-ს, მონაცემთა დაცვის ოფიცერი, Theodor-Heuss-Allee 11, 60486 Frankfurt am Main, Germany, ელფოსტა: dpo@kia-connect.eu.

4. პერსონალური მონაცემების შეგროვება

თქვენ შესახებ პერსონალურ მონაცემებს შემდეგი წყაროებიდან ვაგროვებთ ან მოვიპოვებთ:

- **ჩვენთვის მოწოდებული მონაცემები:** პერსონალურ მონაცემებს ვიღებთ, როდესაც თქვენ მათ გვანწვდით (მაგ.: როდესაც Kia-ს აპლიკაციაში რეგისტრირდებით, ან ელფოსტით, ტელეფონით, ჩვენი საკონტაქტო ფორმით ან სხვა საშუალებით გვკავშირდებით).
- **ურთიერთობის მონაცემები:** პერსონალურ მონაცემებს თქვენთან ურთიერთობისას ვაგროვებთ ან ვიღებთ.
- **აპლიკაციის მონაცემები:** პერსონალურ მონაცემებს ვაგროვებთ ან ვიღებთ, როდესაც Kia-ს აპლიკაციას იყენებთ.
- **მესამე მხარის ინფორმაცია:** მესამე მხარეებისგან მოწოდებულ პერსონალურ მონაცემებს ვაგროვებთ ან ვიღებთ (მაგალითად, დილერების ან სახელოსნოსგან, სერვისის ონლაინ ჯავშნებთან დაკავშირებით (იხ. პუნქტი [6.5.3](#)), Digital Charging Solutions GmbH-სგან (Kia Charge აპლიკაციის ოპერატორი და პროვაიდერი) დამუხტვის ისტორიის სერვისთან დაკავშირებით (იხ. პუნქტი [6.5.6](#), Kia Corporation-სგან საგარანტიო ბუკლეტთან დაკავშირებით (იხ. პუნქტი [6.5.7](#)), და Kia-ს ეროვნული გაყიდვების კომპანიისგან ან თქვენს ქვეყანაში Kia-ს ავტომობილების დისტრიბუტორისგან, ავტომობილის სავალდებულო შემოწმების შესახებ შეხსენებებთან დაკავშირებით (იხ. პუნქტი [6.5.9](#))).
- **Kia Connect აპლიკაცია:** თუ Kia Connect აპლიკაციის მომხმარებელი ხართ და Kia-ს აპლიკაციაში დარეგისტრირდებით, ინფორმაცია თქვენი მომხმარებლის პროფილის შესახებ, ავტომობილის მონაცემები და გარკვეული პარამეტრები, Kia Connect აპლიკაციიდან, Kia-ს აპლიკაციას გადაეცემა, რათა აპლიკაციების სხვადასხვა ვერსიებს შორის შეუფერხებელი გადასვლა უზრუნველყოს.

5. პერსონალური მონაცემების ტიპები, რომლებსაც ვამუშავებთ

ჩვენ შემდეგი ტიპის პერსონალურ მონაცემებს ვამუშავებთ, რომლებიც თქვენთან არის დაკავშირებული („შესაბამისი პერსონალური მონაცემები“):

- **პირადი მონაცემები:** მონაცემები, რომლებიც უშუალოდ თქვენ გეხებათ, როგორც პიროვნებას (მაგ.: სახელ(ებ)ი, ქვეყანა).
- **საკონტაქტო მონაცემები:** მონაცემები, რომლებიც კომუნიკაციის ან გადამონმების საშუალებას იძლევა (მაგ.: ელფოსტის მისამართი, მობილურის ნომერი (საჭიროა მხოლოდ დაკავშირებულ სერვისებთან)).
- **Kia-ს ანგარიშის მონაცემები:** მონაცემები, რომლებიც თქვენს Kia-ს ანგარიშს უკავშირდება (მაგ.: მომხმარებლის სახელი; პაროლი, ელფოსტის მისამართი; სახელი; გვარი; ქვეყანა; მომხმარებლის უნიკალური იდენტიფიკატორი („UID“)).
- **მომხმარებლის პროფილის ინფორმაცია:** მონაცემები, რომლებიც თქვენი Kia-ს აპლიკაციის მომხმარებლის პროფილს უკავშირდება, მათ შორის, Kia-ს ანგარიშის მონაცემებს (მაგ.: ინფორმაცია სისტემის კონფიგურაციის შესახებ, შერჩეული პარამეტრები (მაგ.: ენა), პროფილის ფოტო და პროფილის სახელი (არჩევითი)).
- **ხელშეკრულების მონაცემები:** მონაცემები ხელშეკრულების დადების და შეწყვეტის, მათ შორის, Kia-ს აპლიკაციის გამოყენების პირობებზე დათანხმების და შეწყვეტის შესახებ, ასევე თარიღი და დრო (მაგ.: ხელშეკრულების შინაარსი, ტიპი და ხელშეკრულების დადების თარიღი და ხანგრძლივობა).
- **თანხმობის ჩანაწერები:** ჩანაწერი თქვენ მიერ მიცემული ნებისმიერი თანხმობის შესახებ, მათ შორის, თარიღი და დრო, თანხმობის საშუალება და მასთან დაკავშირებული ნებისმიერი ინფორმაცია (მაგ.: თანხმობის საგანი).
- **საკომუნიკაციო მონაცემები:** მონაცემები, რომლებიც კომუნიკაციის შინაარსს წარმოადგენს (მაგ.: საუბრების შინაარსი, წერილობითი კორესპონდენცია).
- **ავტომობილის მონაცემები:** თქვენს ავტომობილთან დაკავშირებული მონაცემები (მაგ.: ავტომობილის საიდენტიფიკაციო ნომერი („VIN“); ინფორმაცია ავტომობილის მოდელის შესახებ; რეგისტრაციის თარიღი (ნებაყოფლობითი); საგარანტიო ვადის დაწყების და დასრულების თარიღები; გარბენი; სავარაუდო წლიური გარბენი; სერვისის მიწოდების თარიღები; ტექნიკური დათვალიერების (MOT) თარიღები).
- **მდებარეობის მონაცემები:** მონაცემები, რომლებიც თქვენი მოწყობილობის მდებარეობას უკავშირდება (მაგ.: GPS მონაცემები) ან ადგილმდებარეობის მონაცემები, რომელსაც Kia-ს აპლიკაციის სერვისებთან დაკავშირებით გვანწვდით.
- **ინფორმაცია დილერის და სახელოსნოს შესახებ:** მონაცემები, რომლებიც თქვენ მიერ შერჩეულ Kia-ს დილერებს და სახელოსნოებს უკავშირდება (მაგ.: დილერის/სახელოსნოს დასახელება, მისამართი, საკონტაქტო მონაცემები და სამუშაო საათები).

- **სერვისის ონლაინ დაჯავშნის მონაცემები:** ინფორმაცია, რომელსაც სერვისის ონლაინ დაჯავშნის მოთხოვნასთან დაკავშირებით აწვდით (როგორც ქვემოთ არის განმარტებული) (მაგ.: დაჯავშნის დროს / სასურველი დროის მონაკვეთი; არჩეული სერვისები; დამატებითი შეკეთებები; შეთავაზებების და სარეკლამო აქციების არჩევა; ტრანსპორტირების ვარიანტები).
- **დამუხტვის ისტორიის მონაცემები:** ინფორმაცია თქვენი ავტომობილის დამუხტვის ისტორიის შესახებ (მაგ.: ინფორმაცია დასამუხტი სადგურების შესახებ, დამუხტვის დრო და ხარჯები).
- **ავტომობილის მდგომარეობის შემოწმების მონაცემები:** ინფორმაცია შესაბამისი ავტომობილის მდგომარეობის შესახებ (მაგ.: მუხრუჭების, ფილტრების, განათების, საქარე მინის საწმენდების მდგომარეობა), რომელიც Kia-ს დილერთან ან სახელოსნოში, ბოლო სერვისის დროს, ავტომობილის მდგომარეობის შემოწმებისას მიიღება.
- **ინფორმაცია სერვისზე თვალყურის მიდევნების შესახებ:** ინფორმაცია თქვენი ავტომობილის მომსახურების სტატუსის შესახებ, როგორიცაა, გაენია სერვისი, სახელოსნოშია, მზად არის გასაცვანად, დასრულებული.
- **ავტომობილის სერვისის ისტორია:** სერვისის მიწოდების თარიღი; სერვისის აღწერა (ავტომობილზე გაწეული სერვისები); გარბენი სერვისის დროისთვის; ინფორმაცია დილერის შესახებ (დილერის დასახელება, დილერის საკონტაქტო მონაცემები).
- **ტექნიკური მონაცემები:** ტექნიკური ინფორმაცია, რომელიც თქვენს მოწყობილობას ან ამ მოწყობილობის პროგრამულ უზრუნველყოფას უკავშირდება, რომელიც Kia-ს აპლიკაციაზე წვდომისთვის და მასთან დასაკავშირებლად გამოიყენება (მაგ.: აპლიკაციის პარამეტრები; IP მისამართი, ენის პარამეტრები, დროის ნიშნულები, UUID, მოწყობილობის მონაცემები (მაგ.: მოწყობილობის ტიპი, ოპერატიული სისტემა), ბრაუზერის ტიპი; ბრაუზერის პარამეტრები; Kia-ს აპლიკაციასთან დაკავშირების თარიღი და დრო; აპლიკაციის ვერსია და აპლიკაციის ავარიული გათიშვის შესახებ ინფორმაცია).
- **შეხედულებები და მოსაზრებები:** ნებისმიერი შეხედულება და მოსაზრება, რომელსაც ჩვენ გვიზიარებთ, მაგ.: უკუკავშირი და გამოკითხვაზე პასუხები.
- **გამოსახულების/ვიდეოს მონაცემები:** გამოსახულების/ვიდეოს მონაცემები, რომლებიც ავტორიზებული წვდომის მეშვეობით, თქვენი მოწყობილობის კამერაზეა შეგროვებული.
- **ფსევდონიმიზებული იდენტიფიკატორები:** გენერირებული იდენტიფიკატორები (ID), რომლებიც თქვენ შესახებ, სხვა მონაცემებთან დაკავშირებით გამოიყენება, მაგრამ დამატებითი ინფორმაციის გამოყენების გარეშე (მაგ.: მომხმარებლის პროფილის ID, UUID), უშუალოდ თქვენ არ მოგეკუთვნებათ.
- **დადასტურების მონაცემები:** მონაცემები, რომლებიც შეყვანილი მონაცემების და მოქმედებების დადასტურების საშუალებას იძლევა (მაგ.: დადასტურების PIN-კოდი, აქტივაციის კოდი, SMS ავთენტიკაციის კოდი, დადასტურების სტატუსი, ტოკენიზებული მონაცემები).
- **გამოყენების მონაცემები:** Kia-ს აპლიკაციაში ჩვენს კონტენტთან თქვენი ურთიერთქმედების შესახებ (აპლიკაციის ნაწიხი სექციები; კონტენტზე წვდომა და წვდომის დრო) ჩანაწერები.

6. დამუშავების მიზნები და დამუშავების სამართლებრივი საფუძვლები

მიზნები, რისთვისაც შესაბამის პერსონალურ მონაცემებს, მოქმედი კანონმდებლობის შესაბამისად ვამუშავებთ და სამართლებრივი საფუძვლები, რომლებზეც მონაცემებს ვამუშავებთ, შემდეგია:

6.1. Kia-ს აპლიკაციის ჩამოტვირთვა

Kia-ს აპლიკაციის ჩამოტვირთვის შემდეგ, გარკვეული მონაცემები, თქვენ მიერ არჩეული აპლიკაციების მაღაზიის (app store) მიერ (მაგ.: Google Play, Apple App Store) დამუშავდება. ასეთი მონაცემები შეიძლება ჩამოტვირთვის დროს, მომხმარებლის სახელს და/ან ელფოსტის მისამართს, თქვენს აპლიკაციების მაღაზიის მომხმარებლის ID-ს და/ან მოწყობილობის ID-ს მოიცავდეს. გთხოვთ გაითვალისწინოთ, რომ ამ მონაცემების ჩვენთან გაზიარება არ ხდება და ისინი შესაბამისი აპლიკაციების მაღაზიის პროვაიდერების, როგორც მონაცემთა მკონტროლებლის მიერ მუშავდება. შესაბამისი აპლიკაციის მაღაზიების ოპერატორების კონფიდენციალურობის შეტყობინებებს გაეცანით, რათა თქვენი პერსონალური მონაცემების დამუშავების შესახებ, მეტი შეიტყოთ (Apple App Store: <https://www.apple.com/legal/privacy/>; Google Play: <https://policies.google.com/privacy>).

6.2. თქვენს მოწყობილობაზე აპლიკაციის ავტორიზაციები

Kia-ს აპლიკაციის ყველა ფუნქციის და პარამეტრის გამოყენება რომ შეძლოთ, აპლიკაციას თქვენს მოწყობილობასთან კავშირი სჭირდება, რაც თქვენგან გარკვეულ ნებართვას (ავტორიზაციას) მოითხოვს. ნებართვები მხოლოდ ადგილობრივად, თქვენს მოწყობილობაზე ინახება. თქვენ შეგიძლიათ, ცალკეული

ავტორიზაცია პირდაპირ თქვენი მოწყობილობის პარამეტრებში, ნებისმიერ დროს მართოთ, შეცვალოთ და სურვილისამებრ გამოიყენოთ.

მაგალითად, ასეთი ავტორიზაციები შემდეგი პარამეტრებისთვის არის საჭირო:

- **მდებარეობა:** იმ სერვისების გამოსაყენებლად, რომლებიც თქვენი მოწყობილობის მიმდინარე მდებარეობაზე წვდომას მოითხოვს.
- **კამერა:** იმ სერვისების გამოსაყენებლად, რომლებიც თქვენი მოწყობილობის კამერაზე წვდომას მოითხოვს (მაგ.: ავტომობილის იდენტიფიკატორების სკანირების, ავტომობილის Kia-ს აპლიკაციასთან დაკავშირების მიზნით, ან QR კოდების სკანირებისთვის).
- **ფოტოები:** იმ სერვისების გამოსაყენებლად, რომლებიც თქვენს მოწყობილობაზე არსებულ ფოტოებზე წვდომას მოითხოვს (მაგ.: თუ თქვენი მოწყობილობიდან „ჩემი გვერდის“ პროფილის სურათის პარამეტრში ფოტოს ატვირთვა გსურთ).
- **შეტყობინებები:** იმის განსაზღვრა, მიიღებთ თუ არა შეტყობინებებს და რა მოცულობით: (i) Kia-ს აპლიკაციის ხატულას გვერდით მრიცხველის მეშვეობით (მაგ.: Kia-ს აპლიკაციაში ახალი ფუნქციების ან მოვლენების შესახებ ზოგადი შეტყობინებებისთვის, თუ Kia-ს აპლიკაციას აქტიურად არ იყენებთ; და/ან (ii) ტექნიკური სახის პუშ-შეტყობინებებით (push notifications)).
- **Touch ID-ის და Face ID-ის (iOS), ან თითის ანაბეჭდის და სახის ამოცნობის ფუნქციები (Android):** Kia-ს აპლიკაციაზე წვდომა და/ან Kia-ს აპლიკაციის გარკვეული სერვისების ჩართვა და გამოყენება, Kia-ს აპლიკაციაში Touch ID-ის ან Face ID-ის (iOS), ან თითის ანაბეჭდის და სახის ამოცნობის (Android) ფუნქციების საშუალებით შეგიძლიათ. ნებისმიერი ბიომეტრიული მონაცემები მხოლოდ ადგილობრივად, თქვენს მოწყობილობაზე ინახება და ჩვენ არ გადმოგვცემთ. ამიტომ, ჩვენ ამ მონაცემებზე წვდომა არ გვაქვს. თქვენი მოწყობილობის სისტემური ფუნქციის მეშვეობით, Kia-ს აპლიკაციას მხოლოდ ის ინფორმაცია გადაეცემა, ბიომეტრიული მონაცემების დადასტურება წარმატებული იყო თუ არა.
- **ფონური განახლებები:** აპლიკაციას ფონური რეჟიმის დამოუკიდებლად განახლების საშუალებას იძლევა. თუ ეს ფუნქცია გამორთულია, ამ განახლებების შესრულება თავად შეგიძლიათ.

Kia-ს აპლიკაცია მაშინაც მუშაობს, თუ შესაბამის ავტორიზაციებს არ მიაწევთ, მაგრამ ამ შემთხვევაში, Kia-ს აპლიკაციის ყველა ფუნქციის გამოყენება (განსაკუთრებით, რომლებიც დაკავშირებულ სერვისებს ეხება) ვერ მოხერხდება.

6.3. Kia-ს აპლიკაციის ზოგადი გამოყენება

Kia-ს აპლიკაციაზე წვდომის და გამოყენების დროს, გარკვეული ტექნიკური ინფორმაცია, რომელიც Kia-ს აპლიკაციის მიწოდებისა და გამოყენებისთვის არის საჭირო, ავტომატურად დამუშავდება. ასეთ ინფორმაციას შემდეგი მიზნებისთვის ვამუშავებთ: (i) Kia-ს აპლიკაციის სერვისების თქვენთვის მიწოდება; (ii) Kia-ს აპლიკაციის გაუმართაობის თავიდან აცილება და/ან პრობლემის გადაჭრა; და (iii) Kia-ს აპლიკაციის სერვისების გაუმჯობესება.

შესაბამისი პერსონალური მონაცემები: ტექნიკური მონაცემები.

სამართლებრივი საფუძველი: მონაცემების დამუშავება აუცილებელია ამ ხელშეკრულების შესრულებისთვის, რომელიც ჩვენთან გაქვთ დადებული (მუხ. 6 (1) ბ) GDPR), ასევე ჩვენი კანონიერი ინტერესების შესაბამისად, რათა ჩვენს მომხმარებლებს სათანადო და უხარვეზო აპლიკაცია შევთავაზოთ (მუხ. 6 (1) ვ) GDPR).

6.4. რეგისტრაცია და სისტემაში შესვლა

Kia-ს აპლიკაციაში რეგისტრაციისთვის, „Kia-ს ანგარიში“ უნდა გქონდეთ. Kia-ს აპლიკაციაში, Kia-ს ანგარიშის სისტემაში შესვლის მონაცემების გამოყენებით დარეგისტრირდით და Kia-ს აპლიკაციის გამოყენების პირობებს დაეთანხმეთ. როდესაც სისტემაში შეხვალთ, შეგიძლიათ, თქვენი Kia-ს ავტომობილ(ებ)ი დაამატოთ ან წაშალოთ, მომხმარებლის პროფილი შექმნათ და Kia-ს აპლიკაციის შესაბამისი სერვისები გამოიყენოთ. ჩვენ მიერ, Kia-ს ანგარიშთან დაკავშირებული თქვენი პერსონალური მონაცემების დამუშავების დეტალები, კონფიდენციალურობის შესახებ ცალკე შეტყობინებაშია მოცემული, რომელიც ხელმისაწვდომია ბმულზე: <https://connect.kia.com/uk/kia-account-docs/>

შესაბამისი პერსონალური მონაცემები: პირადი მონაცემები; საკონტაქტო მონაცემები; Kia-ს ანგარიშის მონაცემები; ინფორმაცია მომხმარებლის პროფილის შესახებ; ფსევდონიმიზებული იდენტიფიკატორები; კონტრაქტის მონაცემები; ავტომობილის მონაცემები; დადასტურების მონაცემები.

სამართლებრივი საფუძველი: რეგისტრაციასა და სისტემაში შესვლასთან დაკავშირებული მონაცემების დამუშავება აუცილებელია ამ ხელშეკრულების შესრულებისთვის, რომელიც ჩვენთან გაქვთ დადებული, ან ჩვენთან ხელშეკრულების დასადასტურებლად (მუხ. 6 (1) ბ) GDPR). თქვენი მომხმარებლის პროფილთან დაკავშირებული ნებისმიერი პერსონალური მონაცემი (მაგ.: პროფილის ფოტო), რომელსაც ნებაყოფლობით მიაწვდით, ჩვენ მიერ განხორციელებული კანონიერი ინტერესების მიზნებისთვის (მუხ. 6 (1) ვ) GDPR)

დამუშავდება. კანონიერი ინტერესებია: Kia-ს აპლიკაციაში მომხმარებელზე მორგებული პარამეტრების და ფუნქციების მიწოდება და გამოყენება.

6.5. Kia-ს აპლიკაციის სერვისები

თქვენს პერსონალურ მონაცემებს ვამუშავებთ, როდესაც Kia-ს აპლიკაციის სერვისებს იყენებთ. იმაზე ინფორმაციის მისაღებად, თუ დაკავშირებული სერვისების გამოყენებისას, თქვენს პერსონალურ მონაცემებს როგორ ვამუშავებთ, Kia Connect-ის კონფიდენციალურობის შეტყობინება იხილეთ, რომელიც ხელმისაწვდომია აქ.

6.5.1. სასურველი დილერის შესახებ ინფორმაცია

Kia-ს აპლიკაციის ეს სერვისი, MyKia ვებ-გვერდსა და Kia-ს აპლიკაციაში თქვენს ანგარიშებს შორის, „სასურველი დილერის“ შესახებ ინფორმაციის სინქრონიზაციის საშუალებას გაძლევთ. სინქრონიზაცია ნებაყოფლობითია და გამოყენებამდე უნდა ჩაირთოს. გარდა ამისა, შეგიძლიათ, სასურველი დილერის შესახებ ინფორმაცია ხელით შეიყვანოთ.

შესაბამისი პერსონალური მონაცემები: საკონტაქტო მონაცემები, ავტომობილის მონაცემები, დილერის და სახელოსნოს შესახებ ინფორმაცია, ტექნიკური მონაცემები.

სამართლებრივი საფუძველი: მონაცემების დამუშავება აუცილებელია ამ ხელშეკრულების შესრულებისთვის, რომელიც ჩვენთან გაქვთ დადებული (მუხ. 6 (1) ბ) GDPR).

6.5.2. დილერის ძიება

Kia-ს აპლიკაციის ეს სერვისი, შესაბამისი დილერების და სახელოსნოების მოძიების საშუალებას გაძლევთ. შეგიძლიათ, მდებარეობის ხელით შეყვანის პარამეტრი არჩიოთ, ან თქვენი მოწყობილობის მიმდინარე ადგილმდებარეობაზე წვდომა ჩართოთ, რათა თქვენი რჩეული მდებარეობის, ან თქვენი მოწყობილობის მიმდინარე ადგილმდებარეობის შესაბამისად, ძიების შედეგები გაფილტროთ.

შესაბამისი პერსონალური მონაცემები: მდებარეობის მონაცემები; დილერის და სახელოსნოს შესახებ ინფორმაცია.

სამართლებრივი საფუძველი: მონაცემების დამუშავება აუცილებელია ამ ხელშეკრულების შესრულებისთვის, რომელიც ჩვენთან გაქვთ დადებული (მუხ. 6 (1) ბ) GDPR). Kia-ს აპლიკაციის მოცემული სერვისის გამოყენებისთვის შეიძლება საჭირო იყოს თქვენი ავტორიზაცია, თქვენი მოწყობილობის მიმდინარე მდებარეობაზე წვდომისთვის.

6.5.3. სერვისის ონლაინ დაჯავშნა

Kia-ს აპლიკაციის ეს სერვისი საშუალებას გაძლევთ, სერვისთან დაკავშირებით, თქვენ მიერ არჩეულ დილერთან ან სახელოსნოში, შეხვედრა მოითხოვოთ და დაჯავშნოთ და შესაბამისი შეხვედრის მოთხოვნის შესახებ (მაგ.: დაჯავშნის დრო / სასურველი დროის მონაკვეთი; სერვისები; დამატებითი შეკეთებები; შეთავაზებები და სარეკლამო აქციების არჩევა; ტრანსპორტირების ვარიანტები) („ონლაინ სერვისის დაჯავშნა“), დამატებითი ინფორმაცია მიიწოდოთ. ის ასევე საშუალებას გაძლევთ, Kia-ს აპლიკაციასთან დაკავშირებული ავტომობილის გარბენის შესაბამისად, თქვენს მოწყობილობაზე ხელმისაწვდომი ტექნიკური მომსახურებები მოიძიოთ. შეგიძლიათ, თქვენი ავტომობილ(ებ)ის გარბენი ხელით შეიყვანოთ, ან ჩვენი დაკავშირებული სერვისების ჩართვით, ავტომატურად მოგვანოდოთ. მოთხოვნის მიღების შემდეგ, თქვენი წინასწარი თანხმობის საფუძველზე, მოთხოვნას და გარკვეულ პერსონალურ მონაცემებს (მათ შორის, თქვენს სახელსა და გვარს, ტელეფონის ნომერს (არჩევითია) და ელფოსტის მისამართს, VIN-კოდს) შერჩეულ დილერს, ან სახელოსნოს გავუზიარებთ. შერჩეული დილერი, ან სახელოსნო შეიძლება სერვისის მისაღებად შეხვედრის დაგეგმვისა და დადასტურების მიზნით დაგიკავშირდეთ. მათ მიერ თქვენი პერსონალური მონაცემების დამუშავების შესახებ ინფორმაციის მისაღებად, გთხოვთ, შერჩეული დილერის, ან სახელოსნოს კონფიდენციალურობის შეტყობინება იხილოთ.

Kia-ს აპლიკაციაში ჩვენ სერვისის ონლაინ დაჯავშნის სტატუსს (მაგ.: დადასტურებული, მიმდინარე, გაუქმებული), ასევე, ავტომობილის შეკეთების სტატუსს (მიღებული, სახელოსნოშია, მზადაა გასაყვანად და დასრულებული) გატყობინებთ. თქვენ შეგიძლიათ, დაგეგმილი ონლაინ სერვისის ჯავშნები შეცვალოთ ან გააუქმოთ. ავტომობილის შეკეთების „დასრულების“ სტატუსის შემდეგ, აპლიკაციაში ციფრული სერვისის ისტორიის და ავტომობილის მდგომარეობის შემოწმების (eVHC) ანგარიშის ნახვა შეგიძლიათ. გთხოვთ გაითვალისწინოთ, რომ ეს ინფორმაცია ხელმისაწვდომი იქნება როგორც მთავარი მძღოლის, ასევე ნებისმიერი სხვა მძღოლისთვის, ვისაც ავტომობილს უზიარებთ. ამ მიზნებისთვის, შესაბამის ინფორმაციას თქვენი Kia-ს დილერისგან ან სახელოსნოსგან მივიღებთ.

შესაბამისი პერსონალური მონაცემები: პირადი მონაცემები; საკონტაქტო მონაცემები; ავტომობილის მონაცემები; მდებარეობის შესახებ მონაცემები; დილერის და სახელოსნოს შესახებ ინფორმაცია; მომსახურების ონლაინ დაჯავშნის მონაცემები; ავტომობილის მდგომარეობის შემოწმების მონაცემები; ინფორმაცია სერვისზე თვალყურის მიდევნების შესახებ.

სამართლებრივი საფუძველი: მონაცემების დამუშავება აუცილებელია ამ ხელშეკრულების შესრულებისთვის, რომელიც ჩვენთან გაქვთ დადებული (მუხ. 6 (1) ბ) GDPR). შესაბამის სახელოსნოსთან, ან დილერთან პერსონალური მონაცემების გაზიარება, თქვენს წინასწარ თანხმობას (მუხ. 6 (1) ა) GDPR) ეფუძნება.

6.5.4. ციფრული სერვისის ისტორია

როდესაც ონლაინ დაჯავშნილი სერვისის მიწოდება სრულად დასრულდება, შესაბამისი დილერი, ან სახელოსნო, Kia-ს აპლიკაციის მეშვეობით, ამ სერვისთან დაკავშირებულ ინფორმაციას („ციფრული სერვისის ისტორია“) მოგაწვდით. ციფრული სერვისის ისტორია მოიცავს ინფორმაციას ყველა მანამდე მიწოდებული სერვისის შესახებ, რომლებიც სერვისის ონლაინ დაჯავშნის ფუნქციის მეშვეობით იყო დაჯავშნილი. სერვისის ონლაინ დაჯავშნის ისტორია ხელმისაწვდომი იქნება Kia-ს აპლიკაციის ყველა მომხმარებლისთვის, რომლებმაც აპლიკაციაში თავიანთ პროფილს შესაბამისი ავტომობილი დაუკავშირეს.

შესაბამისი პერსონალური მონაცემები: ავტომობილის მონაცემები; ავტომობილის სერვისის ისტორია.

სამართლებრივი საფუძველი: მონაცემების დამუშავება ამ ხელშეკრულების შესრულებისთვის არის აუცილებელი, რომელიც ჩვენთან გაქვთ დადებული (მუხ. 6 (1) ბ) GDPR).

6.5.5. ავტომობილის გაზიარება

თქვენ შეგიძლიათ, Kia-ს აპლიკაციის ცალკეული სერვისები, „მანქანის გაზიარების მოთხოვნის“ ფუნქციის მეშვეობით, Kia-ს აპლიკაციაში სხვა მომხმარებლებთან გააზიაროთ. ამ შემთხვევაში, თქვენი გაზიარების მოთხოვნის ინიცირების და შესრულებისთვის, ჩვენ მომხმარებლის ანგარიშთან დაკავშირებულ გარკვეულ ინფორმაციას, ასევე ავტომობილის მონაცემებს დავამუშავებთ. სხვა მომხმარებლებს ინფორმაციაზე თქვენი ავტომობილის, დამუხტვის, ტექნიკური მომსახურების შესახებ და თქვენი ავტომობილის სტატუსის შესახებ, Kia-ს აპლიკაციაში დამუშავებულ სხვა მონაცემებზე ექნებათ წვდომა. გაზიარების მოთხოვნის ინფორმაცია, როგორიცაა თქვენი სახელი და PIN-კოდი, Kia-ს აპლიკაციის სერვისისთვის, სხვა მომხმარებლის ანგარიშში გადაიცემა და დამუშავდება. სხვა მომხმარებელს შეუძლია, დაკავშირებული ავტომობილებისთვის Kia-ს აპლიკაციის შესაბამისი სერვისები ისევე გამოიყენოს, როგორც თქვენ.

შესაბამისი პერსონალური მონაცემები: მომხმარებლის პროფილის ინფორმაცია; ავტომობილის მონაცემები; დამუხტვის ისტორიის მონაცემები; მომსახურების ონლაინ დაჯავშნის მონაცემები; დადასტურების მონაცემები.

სამართლებრივი საფუძველი: მონაცემების დამუშავება აუცილებელია ამ ხელშეკრულების შესრულებისთვის, რომელიც ჩვენთან გაქვთ დადებული (მუხ. 6 (1) ბ) GDPR), ასევე ჩვენ კანონიერ ინტერესებთან დაკავშირებით, Kia-ს აპლიკაციის სერვისების მიწოდებისას (მუხ. 6 (1) გ) GDPR). გთხოვთ გაითვალისწინოთ, რომ Kia-ს აპლიკაციის სერვისის გამოყენების დროს, თქვენ სხვა მომხმარებლებს პერსონალურ მონაცემებს უზიარებთ, გარდა სისტემაში შესვლის მონაცემებისა, რომლებიც თქვენს Kia-ს აპლიკაციის ანგარიშშია შენახული. ამ ფუნქციის გამორთვა ნებისმიერ დროს შეგიძლიათ. ფუნქციის გამორთვის შემდეგ, შეჩერდება მონაცემების გაზიარება და ჩვენ Kia-ს აპლიკაციაში სხვა მომხმარებლებთან გაზიარებულ ყველა მონაცემს წავშლით. იმაზე ინფორმაციის მისაღებად, თუ თქვენ მიერ დაკავშირებულ სერვისებთან მიმართებაში, „მანქანის გაზიარების“ ფუნქციის გამოყენების დროს, თქვენს პერსონალურ მონაცემებს როგორ ვამუშავებთ, იხილეთ Kia Connect-ის კონფიდენციალურობის შეტყობინება, რომელიც ხელმისაწვდომია ბმულზე: <https://connect.kia.com/uk/kia-connect-privacy-notice/>

6.5.6. დამუხტვის ინტერესის პუნქტი (POI)

Kia-ს აპლიკაციის ეს სერვისი, დასამუხტი სადგურების მოძებნის საშუალებას გაძლევთ. თქვენ შეგიძლიათ, მდებარეობის ხელით შეყვანის პარამეტრი აირჩიოთ, ან თქვენი მოწყობილობის მიმდინარე ადგილმდებარეობაზე წვდომა ჩართოთ. თუ Kia-ს აპლიკაციაში დასამუხტი სადგური აირჩიეთ და Kia Charge სერვისის მიღება გასურთ, სისტემა Kia Charge ფუნქციაზე გადაგიყვანთ (სერვისი, რომელსაც ოპერირებს და აწვდის კომპანია Digital Charging Solutions GmbH), სადაც Kia Charge-ს პროფილის შექმნა და სერვისებზე დარეგისტრირება შეგიძლიათ. ამ შემთხვევაში, თქვენი Kia-ს ანგარიშის მონაცემებს Digital Charging Solutions GmbH-სთან გავაზიარებთ, რათა Kia Charge სერვისზე რეგისტრაციის პროცესი უფრო მარტივი და ეფექტური გახადოთ.

შესაბამისი პერსონალური მონაცემები: Kia-ს ანგარიშის მონაცემები; ავტომობილის მონაცემები; მდებარეობის მონაცემები.

სამართლებრივი საფუძველი: მონაცემების დამუშავება ამ ხელშეკრულების შესრულებისთვის არის აუცილებელი, რომელიც ჩვენთან გაქვთ დადებული (მუხ. 6 (1) ბ) GDPR). Kia-ს აპლიკაციის მოცემული სერვისის გამოყენებისთვის, შეიძლება თქვენი მოწყობილობის მიმდინარე მდებარეობაზე წვდომისთვის, თქვენი ავტორიზაცია იყოს საჭირო. თქვენი Kia-ს ანგარიშის მონაცემების გაზიარება Digital Charging Solutions GmbH-სთან აუცილებელია ჩვენი კანონიერი ინტერესების განხორციელებისთვის (მუხ. 6 (1) გ) GDPR). კანონიერი ინტერესებია: ჩვენი მომხმარებლისთვის მათზე მორგებული პარამეტრების და ფუნქციების მიწოდება.

6.5.7. დამუხტვის ისტორია

Kia-ს აპლიკაციის ეს სერვისი საშუალებას გაძლევთ, შეამოწმოთ თქვენი ავტომობილის დამუხტვის ისტორია, რომელიც თქვენს მოწყობილობაზე Kia-ს აპლიკაციასთან არის დაკავშირებული. ამ სერვისის გამოყენება მხოლოდ იმ შემთხვევაში შეგიძლიათ, თუ ხართ Kia Charge-ის მომხმარებელი, რომელსაც Digital Charging Solutions GmbH მართავს და გაწვდით. ამისათვის, თქვენი Kia Charge-ის ანგარიში, Kia ანგარიშის მონაცემების გამოყენებით, Kia-ს აპლიკაციასთან უნდა დააკავშიროთ. თქვენ მიერ Kia-ს აპლიკაციაში სერვისის მოთხოვნის შემდეგ, თქვენი ავტომობილის დამუხტვის ისტორიის შესახებ ინფორმაციას, Digital Charging Solutions GmbH გვიზიარებს.

შესაბამისი პერსონალური მონაცემები: Kia-ს ანგარიშის მონაცემები; ავტომობილის მონაცემები; დამუხტვის ისტორიის მონაცემები.

სამართლებრივი საფუძველი: მონაცემების დამუშავება ამ ხელშეკრულების შესრულებისთვის არის აუცილებელი, რომელიც ჩვენთან გაქვთ დადებული (მუხ. 6 (1) ბ) GDPR).

6.5.8. საგარანტიო ბუკლეტი

Kia-ს აპლიკაციის ეს სერვისი, თქვენი ავტომობილ(ებ)ის საგარანტიო ბუკლეტზე წვდომის საშუალებას გაძლევთ. საგარანტიო ბუკლეტი ავტომობილის შეძენის თარიღის, არსებული საგარანტიო პუნქტების აღწერილობის და ავტომობილის მდგომარეობის შესახებ ინფორმაციას მოიცავს. საგარანტიო ბუკლეთს Kia Corporation, თქვენ მიერ Kia აპლიკაციაში სერვისის მოთხოვნის შემდეგ გვიზიარებს.

შესაბამისი პერსონალური მონაცემები: ხელშეკრულების მონაცემები; ავტომობილის მონაცემები.

სამართლებრივი საფუძველი: მონაცემების დამუშავება ამ ხელშეკრულების შესრულებისთვის არის აუცილებელი, რომელიც ჩვენთან გაქვთ დადებული (მუხ. 6 (1) ბ) GDPR).

6.5.9. მფლობელის სახელმძღვანელო

Kia-ს აპლიკაციის ეს სერვისი, თქვენი ავტომობილ(ებ)ის მფლობელის სახელმძღვანელოზე წვდომის საშუალებას გაძლევთ. მფლობელის სახელმძღვანელო შესაბამისი ავტომობილ(ებ)ის მოდელის და მახასიათებლების შესახებ, დეტალურ ინფორმაციას მოიცავს.

შესაბამისი პერსონალური მონაცემები: ავტომობილის მონაცემები.

სამართლებრივი საფუძველი: მონაცემების დამუშავება ამ ხელშეკრულების შესრულებისთვის არის აუცილებელი, რომელიც ჩვენთან გაქვთ დადებული (მუხ. 6 (1) ბ) GDPR).

6.5.10. ავტომობილთან დაკავშირებული შეტყობინებები

- განვევის კამპანიის შეტყობინებები და სერვისის შესხენებები: Kia-ს აპლიკაციაში, ან სხვა საკომუნიკაციო არხების მეშვეობით, ჩვენ გამოგიგზავნით: (i) შეტყობინებებს პროდუქციის განვევის ღია კამპანი(ებ)ის შესახებ; და (ii) შესხენებებს თქვენი Kia-ს ავტომობილის მოახლოებული რეგულარული ტექნიკური მომსახურების თარიღების შესახებ.
- შეტყობინებები სერვისებთან დაკავშირებული აქტივობების შესახებ: თქვენი წინასწარი თანხმობის საფუძველზე, ჩვენ გადაუდებელი, სერვისთან დაკავშირებული რეკომენდებული აქტივობების შესახებ გაცნობებთ (როგორიცაა, პროგრამული უზრუნველყოფის განახლებები, ნაწილების შეცვლა გაუმჯობესებული ნაწილებით, ან ხარისხის შემოწმება, რომელიც თქვენი Kia-ს ავტომობილის გარკვეულ კომპონენტებზე უნდა ჩატარდეს). ინფორმაციას რეკომენდებული სერვისის აქტივობების შესახებ Kia-ს აპლიკაციის, ან თქვენი ავტომობილის მთავარი მონაცემების მეშვეობით (თუ დაკავშირებული სერვისები გააქტიურებული გაქვთ), ან თქვენს რეგისტრირებულ ელფოსტის მისამართზე მოგაწვდით.
- ავტომობილის სავალდებულო ინსპექტირების შესხენებები (როგორიცაა TÜV გერმანიაში, ან MOT გაერთიანებულ სამეფოში): ჩვენ ავტომობილის მოახლოებული სავალდებულო ინსპექტირების შესახებ გაცნობებთ. ასეთია, გაერთიანებულ სამეფოში, ტრანსპორტის სამინისტროს მიერ ქვეყანაში რეგისტრირებული ავტომობილებისთვის დადგენილი შემოწმება (მოიხსენიებენ, როგორც „MOT“). გაერთიანებულ სამეფოში დადგენილი „MOT“-ის გარდა, იმისთვის რომ ეს სერვისი მოგაწოდოთ, ჩვენ გვჭირდება თქვენი ავტომობილის პირველი რეგისტრაციის თარიღი, რათა განვსაზღვროთ მომდევნო ინსპექტირების დრო. ამ ინფორმაციას გავუზიარებთ Kia-ს ეროვნული გაყიდვების კომპანიას, ან დისტრიბუტორს თქვენს ქვეყანაში. გაერთიანებულ სამეფოში რეგისტრირებული ავტომობილებისთვის, გაერთიანებული სამეფოს მთავრობის ტრანსპორტის დეპარტამენტის („DfT“) მიერ მონიჭებული გვაქვს MOT ავტომობილის გარკვეულ მონაცემებზე წვდომის უფლებამოსილება (კერძოდ, MOT-ის მოახლოებულ თარიღებსა და ავტომობილის რეგისტრაციის ნომრებზე) ტრანსპორტის დეპარტამენტის MOT ისტორიის აპლიკაციის მეშვეობით. რადგან ჩვენ, როგორც წესი, არ ვამუშავებთ ავტომობილის რეგისტრაციის ნომრებს, Kia UK Limited-თან ავტომობილის რეგისტრაციის VIN-თან დასაკავშირებლად ვითანამშრომლებთ, რათა თქვენთვის ამ სერვისის მოწოდება შევძლოთ.

გთხოვთ გაითვალისწინოთ, რომ Kia-ს ეროვნული გაყიდვების კომპანიას, ან თქვენს ქვეყანაში დისტრიბუტორს, ავტომობილთან დაკავშირებული შეტყობინებების შესახებ ვაცნობებთ, რომლებიც თქვენ გამოგიგზავნეთ, რათა Kia group-ის კომპანიებისგან ერთი და იგივე შეტყობინების რამდენიმე არხიდან მიღება თავიდან აგაცილოთ.

შესაბამისი პერსონალური მონაცემები: თანხმობის ჩანაწერები; ავტომობილების მონაცემები,

ფსევდონომიზებული იდენტიფიკატორები.

სამართლებრივი საფუძველი: მონაცემების დამუშავება ამ ხელშეკრულების შესრულებისთვის არის აუცილებელი, რომელიც ჩვენთან გაქვთ დადებული (მუხ. 6 (1) ბ) GDPR). მონაცემების დამუშავება,

სერვისებთან დაკავშირებული აქტივობების შესახებ შეტყობინებების გამოსაგზავნად, თქვენს წინასწარ თანხმობას ეფუძნება (მუხ. 6 (1) ა) GDPR). თქვენი თანხმობა ნებაყოფლობითია და შეგიძლიათ, ნებისმიერ დროს გააუქმოთ. თანხმობის გაუქმება ასეთ თანხმობაზე (რომელიც გაუქმებამდე გაიცა) დაფუძნებული დამუშავების კანონიერებაზე გავლენას არ იქონიებს. Kia-ს შესაბამის ეროვნული გაყიდვების კომპანიასთან, ან

დისტრიბუტორთან ზემოთ აღნიშნული ინფორმაციის გაზიარება, ჩვენი კანონიერი ინტერესების განხორციელებისთვის (მუხ. 6 (1) ვ) GDPR) არის აუცილებელი. კანონიერი ინტერესებია: ჩვენი მომხმარებლებისთვის საუკეთესო სერვისის მიწოდება (ამ ინფორმაციის გაზიარება თავიდან აგვაცილებს მომხმარებლების იმედგაცრუებას Kia group-ის კომპანიებისგან ერთი და იგივე შეტყობინების რამდენიმე არხიდან მიღების გამო)

6.6. დამუშავების სხვა აქტივობები

6.6.1. კომუნიკაცია

თქვენს პერსონალურ მონაცემებს ვამუშავებთ, რათა Kia App-თან და მის სერვისებთან დაკავშირებით (მაგ. მომხმარებელთა მხარდაჭერის უზრუნველსაყოფად, ტექნიკურ პრობლემების გაცნობისთვის, ჩვენი სახელშეკრულებო ვალდებულებების შესასრულებლად, Kia App Services-თან დაკავშირებული ქმედებების შესახებ, ან Kia-ს აპლიკაციის გამოყენების პირობების ცვლილებების შესახებ) რამდენიმე საკომუნიკაციო არხით (მაგ. ელფოსტა, ტელეფონი, აპში ან push შეტყობინებები) დაგიკავშირდეთ. პუშ-შეტყობინებებს მხოლოდ იმ შემთხვევაში გამოგიგზავნით, თუ ამის ნებართვა თქვენი მოწყობილობის პარამეტრებშია გაცემული. როდესაც მოთხოვნას გვიგზავნით, თქვენს პერსონალურ მონაცემებს თქვენი მოთხოვნის განსახორციელებლად ვამუშავებთ. Kia App-ში საკონტაქტო ფორმის გარკვეული ველები წინასწარ იქნება შევსებული, რათა საკონტაქტო ფორმის გამოყენება თქვენთვის უფრო მოსახერხებელი გახდეს. ჩვენს მარკეტინგულ საქმიანობასთან დაკავშირებით კომუნიკაციის შესახებ ინფორმაციისთვის, გთხოვთ, იხილოთ [სექცია 6.6.2.](#)

შესაბამისი პერსონალური მონაცემები: პირადი მონაცემები; საკონტაქტო მონაცემები; კონტრაქტის მონაცემები; საკომუნიკაციო მონაცემები; ავტომობილის მონაცემები; ტექნიკური მონაცემები; ფსევდონიმიზებული იდენტიფიკატორები.

სამართლებრივი საფუძველი: მონაცემების დამუშავება ამ ხელშეკრულების შესრულებისთვის არის აუცილებელი, რომელიც ჩვენთან გაქვთ დადებული (მუხ. 6 (1) ბ) GDPR), ან ჩვენი კანონიერი ინტერესების შესაბამისად (მუხ. 6 (1) ვ) GDPR). ჩვენი კანონიერი ინტერესებია: ჩვენი მომხმარებლებისთვის საუკეთესო სერვისის მიწოდება და მომხმარებელთა მოთხოვნებზე სათანადოდ რეაგირება და მოთხოვნების დამუშავება.

6.6.2. პირდაპირი მარკეტინგი

შესაბამის პერსონალურ მონაცემებს იმისათვის ვამუშავებთ, რომ Kia-ს აპლიკაციის ან კომუნიკაციის სხვა საშუალებებით ელფოსტით დაგიკავშირდეთ, ან Kia-ს აპლიკაციის, ჩვენი პროდუქტებისა და სერვისების ან Kia group-ის სხვა წევრების პროდუქტებისა და სერვისების შესახებ, სარეკლამო ინფორმაციის მიწოდების მიზნით, შეტყობინებები გამოგიგზავნოთ, ან გთხოვთ, მონაწილეობა მიიღოთ გამოკითხვებში, ან თქვენი უკუკავშირი მოგვანდოთ, თქვენგან წინასწარი თანხმობის მიღების პირობით, მოქმედი კანონმდებლობით დადგენილი პირობების შესაბამისად.

თანხმობის მიცემა Kia-ს აპლიკაციაში, თანხმობის შესაბამისი ღილაკების მონიშვნით (გააქტიურებით), ან სხვა საშუალებებით (საჭიროების შემთხვევაში) შეგიძლიათ. თქვენი თანხმობა ნებაყოფლობითია და შეგიძლიათ, მასზე ნებისმიერ დროს უარი თქვათ (მაგ.: Kia-ს აპლიკაციაში შესაბამისი თანხმობის ღილაკის გამორთვით). ასევე შეგიძლიათ, ჩვენი სარეკლამო დაგზავნის გამონერა ნებისმიერ დროს, ჩვენს მიერ გაგზავნილ თითოეულ სარეკლამო ელფოსტაში არსებულ ბმულზე „გამონერის გაუქმება“ დანკაპუნებით გააუქმოთ. თქვენი თანხმობის გაუქმება, გაუქმებამდე ამგვარი თანხმობის საფუძველზე შესრულებული დამუშავების კანონიერებაზე გავლენას არ მოახდენს.

თუ Kia-ს აპლიკაცია და მის სერვისებზე რეგისტრაციის დროს, თქვენს ელფოსტის მისამართს მოგვანვდით, თქვენგან წინასწარი სპეციალური თანხმობის მოთხოვნის გარეშე, შეიძლება ამ მისამართზე მსგავსი სერვისების ან პროდუქტების შესახებ ინფორმაცია გამოგიგზავნოთ, ვინაიდან ასეთ შემთხვევებში თქვენგან, როგორც არსებული მომხმარებლისგან, კონკრეტული თანხმობა საჭირო არ არის. იგივე ეხება Kia-ს აპლიკაციაში შეტყობინებების მეშვეობით ასეთი ინფორმაციის თქვენი ელექტრონული ფოსტის შემომავალ ყუთში გაგზავნას, რომელიც აპლიკაციაში ცალკე არის გათვალისწინებული. თუმცა, თქვენ უფლება გაქვთ, ნებისმიერ დროს, უარი თქვათ ასეთი მარკეტინგული ელფოსტის მიღებაზე ყოველგვარი ხარჯების გარეშე (გარდა გადაცემის ხარჯებისა, ძირითადი ტარიფების შესაბამისად) (მაგ.: Kia-ს აპლიკაციაში „სერვისთან დაკავშირებული რეკლამის“ ჩამონათვალში შესაბამისი ღილაკების გამორთვით). ასევე, შეგიძლიათ, ჩვენი სარეკლამო დაგზავნის გამონერა ნებისმიერ დროს გააუქმოთ, რისთვისაც თითოეული სარეკლამო ფოსტის ბმულზე, რომელსაც ჩვენ გიგზავნით, „გამონერის გაუქმება“ ღილაკზე უნდა დააჭიროთ. გარდა ამისა, თქვენ შეგიძლიათ არ დაეთანხმოთ და თქვენი პერსონალური მონაცემების პირდაპირი მარკეტინგული მიზნებისთვის დამუშავება გააპროტესტოთ (დეტალებისთვის იხილეთ პუნქტი [11](#)).

Kia-ს აპლიკაციაში თანხმობების სიის საშუალებით, ჩვენ შეგიძლია Kia-ს შვილობილი ორგანიზაციის სახელით, მათი პირდაპირი მარკეტინგული მიზნებისთვის, თქვენთან დაკავშირების თაობაზე, თქვენგან თანხმობა მივიღოთ. ასეთ შემთხვევაში, Kia-ს შესაბამის ორგანიზაციულ ერთეულს, თქვენი თანხმობის შესახებ ვაცნობებთ და შესაბამისად, თქვენს მიმდინარე საკონტაქტო მონაცემებს გავუზიარებთ. პირდაპირ მარკეტინგულ საქმიანობასთან დაკავშირებით, რომელიც ასეთ თანხმობას ეფუძნება, Kia-ს შესაბამისი ორგანიზაციული ერთეული მოქმედებს, როგორც მაკონტროლებელი და ამ კონკრეტულ საქმიანობასთან დაკავშირებით, თქვენი

პერსონალური მონაცემების დამუშავებაზე პასუხისმგებელი ერთეული. თუ თანხმობის გაუქმება გსურთ, რომელიც თქვენგან Kia-ს ორგანიზაციული ერთეულის სახელით მივიღეთ, Kia-ს აპლიკაციაში შესაბამისი თანხმობის ლილაკის გამორთვის გარდა, ასევე შეგიძლიათ, Kia-ს შესაბამის ორგანიზაციას თქვენი თანხმობის გასაუქმებლად პირდაპირ დაუკავშირდეთ.

შესაბამისი პერსონალური მონაცემები: პირადი მონაცემები; საკონტაქტო მონაცემები; თანხმობის ჩანაწერები; ავტომობილის მონაცემები; ტექნიკური მონაცემები; ფსევდონომიზებული იდენტიფიკატორები.

სამართლებრივი საფუძველი: მონაცემების დამუშავება, თქვენს წინასწარ თანხმობას (მუხ. 6 (1) ბ) GDPR), მარკეტინგული საქმიანობის შესახებ მოქმედ ადგილობრივ კანონებთან ერთად (მაგ.: ასეთია გერმანიაში არაკეთილსინდისიერი კონკურენციის შესახებ კანონის პუნქტი 7 (2) # 2 ("UWG")) ეფუძნება; ან თუ აუცილებელია, ჩვენი კანონიერი ინტერესების განხორციელებისთვის (მუხ. 6 (1) გ) GDPR, მარკეტინგული საქმიანობის შესახებ მოქმედ ადგილობრივ კანონებთან ერთად (მაგ.: გერმანიაში პუნქტი 7 (3) UWG)). ჩვენი კანონიერი ინტერესებია: ჩვენი სერვისების და პროდუქტების პოპულარიზაცია. თქვენი თანხმობის გაუქმება, ამგვარი თანხმობის საფუძველზე, გაუქმებამდე შესრულებული დამუშავების კანონიერებაზე გავლენას არ მოახდენს.

6.6.3. უკუკავშირი და გამოკითხვები

თუ ჩვენს გამოკითხვებში მონაწილეობთ, ან თქვენს უკუკავშირს გვიზიარებთ, შეიძლება შესაბამისი პერსონალური მონაცემები, თქვენი გამომხატვების და გამოკითხვის პასუხების შესაფასებლად, ჩვენი სერვისების გაუმჯობესების და ჩვენი მომხმარებლების საჭიროებებზე მათი მორგების მიზნით დავამუშაოთ. ჩვენ შეიძლება გამოკითხვა ჩავატაროთ Salesforce Marketing Cloud პლატფორმის გამოყენებით, რომელსაც უზრუნველყოფს კომპანია salesforce.com Germany GmbH, ან ონლაინ გამოკითხვის ინსტრუმენტი SurveyMonkey-ს მეშვეობით, რომელსაც კომპანია Momentive Europe UC („Momentive“) გვანვდის. SurveyMonkey-ზე ჩატარებულ კვლევაში მონაწილეობის მისაღებად, შესაძლოა დაგჭირდეთ ბმულზე გადასვლა, რომელიც კვლევაში მონაწილეობისთვის გაგზავნილ მონვევაში იქნება მოცემული. ბმულზე დაჭერის შემდეგ, Momentive-ის ვებ-გვერდზე გადახვალთ, რომელზეც გამოკითხვა ჩატარდება. გამოკითხვის შედეგად შეგროვებულ ინფორმაციას, Momentive ჩვენი სახელით და ჩვენი მიზნებისთვის დამუშავებს. გარდა ამისა, Momentive-ს შეუძლია: (i) თქვენი მონაცემების და სხვა ტექნიკური მონაცემების შესახებ ინფორმაცია შეაგროვოს და დაამუშაოს, რათა ერთი და იგივე ადამიანის ბევრ გამოკითხვაში მონაწილეობა არ მოხდეს; და (ii) გამოიყენოს ქუქი-ფაილები, რომლებიც ამოიცნობენ, მიიღო თუ არა პირმა გამოკითხვაში მონაწილეობა და გადაანაწილოს პასუხები, რომლებიც შესაბამისმა მონაწილემ უკვე გასცა.

კომპანია Momentive-ის მიერ პერსონალური მონაცემების შესახებ დამატებითი ინფორმაცია ხელმისაწვდომია ბმულზე <https://www.surveymonkey.com/mp/legal/privacy/>.

შესაბამისი პერსონალური მონაცემები: პირადი მონაცემები; ტექნიკური მონაცემები; შეხედულებები და მოსაზრებები.

სამართლებრივი საფუძველი: მონაცემების დამუშავება, ჩვენი კანონიერი ინტერესების მიზნებისთვის (მუხ. 6 (1) გ) GDPR) არის აუცილებელი. ჩვენი კანონიერი ინტერესებია: ჩვენი სერვისების გაუმჯობესება.

6.6.4. ბიზნეს პროცესების წარმართვა

ჩვენ შეიძლება შესაბამისი პერსონალური მონაცემები, შიდა მართვის და ადმინისტრირების მიზნით დავამუშაოთ, მათ შორის, ჩანაწერების მართვის და სხვა შიდა პროტოკოლების წარმოებისთვის. ზოგიერთ შემთხვევაში, ჩვენ შეიძლება შესაბამისი პერსონალური მონაცემები Kia group-ის სხვა წევრებს გავეუზიაროთ. სამართლებრივი საფუძველი: მონაცემების დამუშავება, ჩვენი კანონიერი ინტერესების მიზნებისთვის (მუხ. 6 (1) გ) GDPR) არის აუცილებელი. ჩვენი კანონიერი ინტერესებია: ჩვენი ბიზნესის სათანადო და ეფექტური ფუნქციონირება.

6.6.5. სამართლებრივი შესაბამისობა

შესაბამისი პერსონალური მონაცემები შეიძლება მოქმედ კანონებთან, დირექტივებთან, რეკომენდაციების და მარეგულირებელი ორგანოების მოთხოვნებთან შესაბამისობის მიზნით დავამუშაოთ (მაგ.: მოთხოვნები პერსონალური მონაცემების სასამართლოსთვის, ან მარეგულირებელი ორგანოსთვის, მათ შორის, პოლიციისთვის გამჟღავნების შესახებ).

სამართლებრივი საფუძველი: მონაცემების ასეთი დამუშავება აუცილებელია: (i) იურიდიული ვალდებულებების შესასრულებლად, რომლებიც ჩვენ გვევება (მუხ. 6 (1) გ) GDPR); ან (ii) ჩვენი კანონიერი ინტერესების მიზნებისთვის (მუხ. 6 (1) ვ) GDPR). ჩვენი კანონიერი ინტერესებია: მოქმედი სამართლებრივი ვალდებულებების შესრულება.

6.6.6. სასამართლო სამართალწარმოება და გამოძიებები

შესაბამისი პერსონალური მონაცემები შეიძლება ჩვენი უფლებებისა და ინტერესების შეფასების, აღსრულების და დაცვის მიზნით დავამუშაოთ.

სამართლებრივი საფუძველი: მონაცემების დამუშავება ჩვენი კანონიერი ინტერესების მიზნებისთვის (მუხ. 6 (1) ვ) GDPR) არის აუცილებელი. ჩვენი კანონიერი ინტერესებია: ჩვენი ინტერესების დაცვა და უფლებების განხორციელება.

6.6.7. ვებ-ანალიზი და ოპტიმიზაცია

გარკვეულ პერსონალურ მონაცემებს, Kia-ს აპლიკაციის მომხმარებლების მიერ Kia-ს აპლიკაციის და მისი ფუნქციების გამოყენების შეფასების მიზნით, ასევე Kia-ს აპლიკაციის აქტივობის შესახებ ანგარიშებისთვის ვამუშავებთ. ამ მიზნით და თქვენი წინასწარი თანხმობის საფუძველზე, Kia-ს აპლიკაციასთან თქვენი ურთიერთქმედების შესახებ დამატებითი დეტალების მისაღებად, ინფორმაციას თქვენს ბრაუზერში ან საბოლოო მოწყობილობაში (მაგ.: ქუქი-ფაილები) ვინახავთ. მომხმარებლის პროფილში Kia-ს აპლიკაციის გამოყენების შესახებ ინფორმაციას ვაგროვებთ. ეს დაგვეხმარება განვსაზღვროთ: (i) დროის მონაკვეთები, როდესაც ყველაზე ხშირად ისარგებლებთ აპლიკაციით, მისი ფუნქციებით და/ან შინაარსით; და (ii) Kia-ს აპლიკაციის ნაწილები ან თემები, რომლებიც ოპტიმიზაციას საჭიროებს. ჩვენ მიერ ქუქი-ფაილების და მსგავსი ტექნოლოგიების გამოყენების შესახებ დამატებითი დეტალებისთვის, პუნქტი [7](#) იხილეთ. ამ მიზნით, ჩვენ Google Analytics-ს ვიყენებთ. გთხოვთ გაითვალისწინოთ, რომ ნებისმიერი პერსონალური მონაცემი (კერძოდ, IP მისამართი), რომელიც Google Analytics-თან დაკავშირებით, ანალიზის მიზნით გროვდება, თავდაპირველად ჩვენ მიერ კონტროლირებულ სერვერებზე გადაიცემა და ინახება, სადაც შესაბამისი მონაცემები, მომხმარებლის შიდა საიდენტიფიკაციო ნომერს მიემაგრება (რაც დაკავშირებულია საბოლოო მოწყობილობასთან). შესაბამისი მონაცემები შემდეგ Google-ს, მხოლოდ ფსევდონომიზებული ფორმით გადაეცემა. ეს პროცესი ასევე ცნობილია, როგორც „სერვერის მხრიდან თვალთვალი“ („server-side tracking“).

შესაბამისი პერსონალური მონაცემები: თანხმობის ჩანაწერები; ტექნიკური მონაცემები, გამოყენების მონაცემები.

სამართლებრივი საფუძველი: მონაცემების დამუშავება, თქვენს წინასწარ თანხმობას (მუხ. 6 (1) ა) GDPR) ეფუძნება.

7. ქუქი-ფაილები და სხვა ტექნოლოგიები

7.1. ქუქი-ფაილები

ჩვენ ქუქი-ფაილებს ვიყენებთ და შესაბამის ინფორმაციას Kia-ს აპლიკაციაში, ქვემოთ მოცემული მიზნებისთვის ვამუშავებთ.

„**ქუქი-ფაილები**“ მცირე ზომის ტექსტური ფაილებია, რომლებიც თქვენს საბოლოო მოწყობილობას ვებ-გვერდის მონახულებისას, თქვენი ვებ ბრაუზერის, ან სხვა პროგრამების საშუალებით გადაეცემა. ისინი თქვენს საბოლოო მოწყობილობაზე ადგილობრივად ინახება და ინფორმაციის შემდგომი გამოყენებისთვის (როგორიცაა, პოვნა და ამოღება) მზად არის. ქუქი-ფაილები ზოგადად, ვებ-გვერდების მუშაობის, ვებ-გვერდზე თქვენი მოძრაობის აღრიცხვის, სისტემაში შესვლის დეტალების დამახსოვრების, თქვენი პრეფერენციების და ინტერესების დამახსოვრების და სხვა მიზნებისთვის გამოიყენება. არსებობს სხვადასხვა ტიპის ქუქი-ფაილები და მათი გარჩევა მათი წარმოშობის, ფუნქციისა და მოქმედების ხანგრძლივობის მიხედვით არის შესაძლებელი. ქუქი-ფაილების გამოყენებასთან დაკავშირებით დამუშავებული ინფორმაცია შეიძლება იყოს მონაცემები თქვენ შესახებ, ასევე, თქვენი პრეფერენციების და მოწყობილობის შესახებ. ინფორმაცია, რომელსაც ქუქი-ფაილების გამოყენებასთან დაკავშირებით ვამუშავებთ, ტექნიკურ მონაცემებს, ფსევდონომიზებულ მონაცემებს და გამოყენების მონაცემებს მოიცავს.

მკაცრად აუცილებელ ქუქი-ფაილებს Kia-ს აპლიკაციის მუშაობის, მისი უსაფრთხოდ მიწოდებისა და ქუქი-ფაილებზე თქვენი თანხმობის, ან უარის შესახებ ინფორმაციის შენახვის მიზნით („**მკაცრად აუცილებელი ქუქი-ფაილები**“) ვიყენებთ. ასეთ მკაცრად აუცილებელ ქუქი-ფაილებთან დაკავშირებით, თქვენი პერსონალური მონაცემების დამუშავების იურიდიული საფუძველი, არის ჩვენი კანონიერი ინტერესი (მუხლი 6(1)(f) GDPR) Kia-ს აპლიკაციის ეფექტურად ფუნქციონირებასა და მის უსაფრთხოდ უზრუნველყოფაში.

თქვენი წინასწარი თანხმობის საფუძველზე, ჩვენ შეგვიძლია, ქუქი-ფაილები გამოვიყენოთ, რომლებიც (i) საშუალებას გვაძლევს, შევაფასოთ და გავაუმჯობესოთ Kia-ს აპლიკაციის მუშაობა („**ეფექტურობის ქუქი-ფაილები**“); და/ან (ii) გავზარდოთ Kia-ს აპლიკაციის ფუნქციურობა („**ფუნქციური ქუქი-ფაილები**“). ასეთ ქუქი-ფაილებთან დაკავშირებით, თქვენი პერსონალური მონაცემების დამუშავების სამართლებრივი საფუძველი, თქვენი თანხმობაა (მუხ. 6(1)(a) GDPR).

გთხოვთ გაითვალისწინოთ, რომ Kia-ს აპლიკაციაში ქუქი-ბანერის გამოყენებით, ან „**კონფიდენციალურობის პარამეტრების**“ მეშვეობით, თქვენი თანხმობის პრეფერენციების მართვა შეგიძლიათ. აქვე თითოეული ქუქი-ფაილის შესახებ, დამატებითი ინფორმაციის მოძიება შეგიძლიათ. ჩვენ OneTrust-ს ვიყენებთ, რომელსაც კომპანია OneTrust Technology Limited, ქუქი-ფაილებთან დაკავშირებულ თანხმობის მართვის მიზნით გვანვლის.

ასევე, დამატებითი ინფორმაციას ქუქი-ფაილების და Kia-ს აპლიკაციაში მათი გამოყენების შესახებ, ჩვენს ქუქი-ფაილების პოლიტიკაში იხილავთ.

7.2. Firebase Crashlytics

Kia-ს აპლიკაციის და ჩვენი სერვისების უსაფრთხოებისა და სტაბილურობის გასაუმჯობესებლად, ჩვენ შეფერხებების ანონიმური ანგარიშების (crash reports) ანალიზს ვეყრდნობით. ამ მიზნით, ჩვენ „Firebase Crashlytics“-ს, კომპანია Google Ireland Ltd.-ის (Google Building Gordon House, Barrow Street, Dublin 4, Ireland) მიერ მოწოდებულ სერვისს ვიყენებთ. შეფერხებების ანონიმური ანგარიშების მოსაწოდებლად, Kia-ს აპლიკაციის შეფერხების, ან გაუმართაობის შემთხვევაში, „Firebase Crashlytics“ ქვემოთ აღნიშნულ

ინფორმაციას აგროვებს და ასეთი ინფორმაცია შეიძლება Google-ის აშშ-ის სერვერებს გადასცეს. გთხოვთ გაითვალისწინოთ, რომ შეფერხების შესახებ ანგარიშები, რომლებსაც ჩვენ ვიღებთ, არ შეიცავს რაიმე ინფორმაციას, რაც მომხმარებლის ვინაობის დადგენის საშუალებას მოგვცემს. „Firebase Crashlytics“-ში შეგროვებული და შენახული ნებისმიერი ინფორმაცია, მათი შეგროვებიდან 90 დღის განმავლობაში ნაიშლება. „Firebase Crashlytics“-ის შესახებ დამატებითი ინფორმაციის და Google-ის მიერ თქვენი პერსონალური მონაცემების დამუშავების შესახებ დეტალების მისაღებად, შემდეგ ბმულებს ეწვიეთ:

<https://firebase.google.com/>; <https://firebase.google.com/terms/crashlytics/>;

<https://firebase.google.com/support/privacy>

შესაბამისი პერსონალური მონაცემები: ტექნიკური მონაცემები.

სამართლებრივი საფუძველი: მონაცემების დამუშავება, ჩვენი კანონიერი ინტერესების მიზნებისთვის (მუხ. 6 (1) ვ) GDPR) არის აუცილებელი. ჩვენი კანონიერი ინტერესებია: Kia აპლიკაციისა და ჩვენი სერვისების უსაფრთხოების და სტაბილურობის უზრუნველყოფა და ოპტიმიზაცია.

8. **მესამე მხარისთვის პერსონალური მონაცემების გამჟღავნება**

შესაბამისი პერსონალურ მონაცემებს Kia group-ის სხვა სამართლებრივ ერთეულებს („**Kia Group Members**“), კომერციული საქმიანობის კანონიერი მიზნებისთვის, ასევე Kia-ს აპლიკაციის და Kia-ს აპლიკაციის სერვისების ფუნქციონირებისთვის გავუშვავნებთ. ასევე შესაბამისი პერსონალურ მონაცემებს Kia Group-ის სხვა წევრებს გადავცემთ, თუ ასეთ გადაცემაზე თქვენგან წინასწარ მიღებული კონკრეტული თანხმობა გვაქვს. ამასთან, შესაბამისი პერსონალურ მონაცემებს გავუშვავნებთ:

- თქვენ და საჭიროების შემთხვევაში, თქვენს უფლებამოსილ წარმომადგენლებს;
- სამართლებრივ და მარეგულირებელ ორგანოებს, მათი მოთხოვნის საფუძველზე, ან მოქმედი კანონმდებლობის, ან რეგულაციების ნებისმიერი ფაქტობრივი, ან სავარაუდო დარღვევის შესახებ შეტყობინების მიზნით;
- ბუღალტრებს, აუდიტორებს, კონსულტანტებს, იურისტებს და ჩვენს სხვა გარე პროფესიონალ მრჩეველებს, ხელშეკრულებით გათვალისწინებული ან სამართლებრივი ვალდებულებების საფუძველზე;
- მესამე მხარის დამუშავებელ ერთეულებს (როგორებიც არიან, Kia-ს აპლიკაციის სერვისებთან დაკავშირებული ტექნიკური ინფრასტრუქტურის და მომსახურების მიმწოდებლები; მომხმარებელთა მონაცემების მართვის პლატფორმების მიმწოდებლები; მომხმარებელთა მხარდაჭერის სერვისების მიმწოდებლები (მაგ.: ქოლ-ცენტრის მომსახურებები; ონლაინ გამოკითხვის პროგრამის მიმწოდებლები), რომლებიც მსოფლიოს ნებისმიერ ადგილას მდებარეობენ, ქვემოთ, პუნქტი [9](#) მოთხოვნების შესაბამისად;
- ნებისმიერ შესაბამის მხარეს, მარეგულირებელ ორგანოს, ხელისუფლების ორგანოს, სამართალდამცავ ორგანოს, ან სასამართლოს, იმ მოცულობით, რაც კანონიერი მოთხოვნის განსაზღვრის, განხორციელების ან დაცვისთვის არის აუცილებელი;
- ნებისმიერ შესაბამის მხარეს, მარეგულირებელ ორგანოს, ხელისუფლების ორგანოს, სამართალდამცავ ორგანოს, ან სასამართლოს, სისხლის სამართლის დანაშაულების პრევენციის, გამოძიების, გამოვლენის და დევნის, ან სისხლის სამართლით გათვალისწინებული სასჯელების აღსრულების მიზნით; და
- ნებისმიერ მესამე მხარის უფლების მიმღებ(ებ)ს ან სამართალმემკვიდრეს, იმ შემთხვევაში, თუ ჩვენ ჩვენი ბიზნესის, ან აქტივების ყველა, ან რომელიმე ნაწილს გავყიდით ან გადავცემთ (მათ შორის, რეორგანიზაციის, დაშლის, ან ლიკვიდაციის შემთხვევაში).

გარდა ამისა, ჩვენ შესაბამისი პერსონალურ მონაცემებს, სხვა მესამე მხარის ორგანიზაციებს (კერძოდ, Kia-ს დილერებს და სახელოსნოებს, Kia Charge სერვისის მიმწოდებელს (Digital Charging Solutions GmbH), სადაზღვევო კომპანიებს, ლიზინგის კომპანიებს, ფინანსური სერვისების მიმწოდებლებს, ავტო-პარკის კომპანიებს, მონაცემთა აგროგატორებს) გავუშვავნებთ; თუმცა ასეთ მესამე მხარეებს თქვენს პერსონალურ მონაცემებს მხოლოდ იმ შემთხვევაში გავუზიარებთ, თუ: (i) ასეთ გამჟღავნებაზე თანხმობა წინასწარ გაქვთ მიცემული (მუხ. 6 (1) ა) GDPR); (ii) ასეთი გამჟღავნება აუცილებელია ჩვენი ხელშეკრულების, ან შესაბამისი მესამე მხარის მიერ, თქვენთან დადებული ხელშეკრულების შესრულებისთვის (მუხ. 6 (1) ბ) GDPR); ან (iii) მონაცემების გაზიარება აუცილებელია შესაბამისი მესამე მხარის კანონიერი ინტერესის მიზნებისთვის, რამდენ ასეთი კანონიერი ინტერესი, თქვენს ინტერესებს, ძირითად უფლებებს ან თავისუფლებებს არ ეწინააღმდეგება (მუხ. 6 (1) ვ) GDPR).

თუ თქვენი პერსონალური მონაცემების დამუშავებაში, მესამე-მხარე დამუშავებელს ჩავრთავთ, ამ უკანასკნელზე, ხელშეკრულებით გათვალისწინებული ვალდებულებები შემდეგზე გავრცელდება: (i) პერსონალური მონაცემები დაამუშაოს მხოლოდ ჩვენი წინასწარი წერილობითი ინსტრუქციების შესაბამისად; და (ii) პერსონალური მონაცემების კონფიდენციალურობის და უსაფრთხოების დასაცავად, მოქმედი

კანონმდებლობით გათვალისწინებულ ნებისმიერ დამატებით მოთხოვნებთან ერთად, სათანადო ზომები გამოიყენოს.

9. პერსონალური მონაცემების საერთაშორისო გადაცემა

ჩვენ საერთაშორისო კომპანიების ჯგუფის წევრი ვართ. აქედან გამომდინარე, პერსონალური მონაცემები შეიძლება Kia group-ს, ასევე სხვა მესამე მხარეებს გადავცეთ, როგორც აღნიშნულია პუნქტში 8. ზემოთ. მონაცემების ზოგიერთი მიმღები შეიძლება მდებარეობდეს, ან შესაბამის ოპერაციებს ახორციელებდეს თქვენი ქვეყნის და ევროკავშირის/ევროპის ეკონომიკური არეალის (EEA) ფარგლებს გარეთ (მაგ.: კორეის რესპუბლიკაში, გაერთიანებულ სამეფოში ან აშშ-ში) („**მესამე მხარე**“). ზოგიერთ მესამე ქვეყანასთან დაკავშირებით, ევროკომისიამ დაადგინა, რომ ისინი პერსონალური მონაცემების დაცვის ადეკვატურ დონეს უზრუნველყოფენ (მაგ.: კორეის რესპუბლიკა, გაერთიანებული სამეფო), რაც ასევე მოიცავს აშშ-ს, რამდენადაც მონაცემების მიმღები კომპანია ევროკავშირისა და აშშ-ის მონაცემთა კონფიდენციალურობის ჩარჩო პროგრამაში მონაწილეობს (<https://www.dataprivacyframework.gov>) („**შესაბამისი (გათანაბრებული) იურისდიქციები**“).

როდესაც პერსონალურ მონაცემებს მონაცემების მიმღებს გადასცემთ, რომელიც მესამე ქვეყანაში მდებარეობს და შესაბამისი (გათანაბრებული) იურისდიქცია არ აქვს, ჩვენ (ან ჩვენი მონაცემების დამუშავებელი ევროკავშირში/EEA-ში, რომელიც პერსონალურ მონაცემებს, საჭიროებისამებრ, ასეთ მესამე ქვეყნებში ქვე-დამუშავებელს გადასცემს), მიმღებთან დადებული მონაცემთა გადაცემის შესახებ ხელშეკრულების ფარგლებში, რომელიც ევროკომისიის მიერ არის დამტკიცებული (ხელშეკრულების სტანდარტული დებულებები), შესაბამის დაცვას უზრუნველყოფთ, ან მონაცემთა დაცვის სათანადო დონის უზრუნველსაყოფად, სხვა ეფექტურ ზომებს ვიღებთ. დაცვის შესაბამისი ღონისძიებების ასლის გამოთხოვის მიზნით, შეგიძლიათ, ჩვენ ან ჩვენს DPO-ს (იხილეთ პუნქტი 2 და პუნქტი 3) მოგვმართოთ.

10. მონაცემების შენახვა

თქვენი პერსონალური მონაცემები მხოლოდ იმ ვადით ინახება, რაც იმ მიზნების მისაღწევად არის აუცილებელი, რისთვისაც პერსონალური მონაცემები შეგროვდა, როგორც ზემოთ არის მითითებული. როდესაც ასეთი მიზნებისთვის, თქვენი პერსონალური მონაცემები აღარ დაგვჭირდება, მათ ჩვენი სისტემებიდან და/ან ჩანაწერებიდან წაშლით და/ან მივიღებთ ზომებს, რომ მათი ანონიმურობა სათანადოდ უზრუნველყოფთ, რათა მონაცემებიდან თქვენი იდენტიფიცირება შეუძლებელი გახდეს (თუ თქვენი ინფორმაციის შენახვა არ გვევალება იმ სამართლებრივი ან მარეგულირებელი ვალდებულებების შესასრულებლად, რომლებიც ჩვენზე ვრცელდება; მაგალითად, ხელშეკრულებებში, კორესპონდენციებსა და საქმიან წერილებში არსებული პერსონალური მონაცემები, შეიძლება კანონით დადგენილ შენახვის მოთხოვნებს ექვემდებარებოდეს).

შენახვის ვადა შეიძლება ეროვნული კანონმდებლობის შესაბამისად გაგრძელდეს, როდესაც მათი დამუშავება სამართლებრივი მოთხოვნების დადგენის, განხორციელების, ან დაცვის მიზნით არის აუცილებელი და როდესაც ჩვენ ან მესამე მხარეებს, შესაბამისი კანონიერი ინტერესი გაგვაჩნია (მაგ.: მოსალოდნელი სამართლებრივი (ადმინისტრაციული და/ან სასამართლო) სამართალწარმოების პერიოდში და მათი ხანგრძლივობით, მათ შორის, ნებისმიერი უკუმოთხოვნის ვადის ამოწურვამდე).

11. თქვენი კანონიერი უფლებები

მოქმედი კანონმდებლობის შესაბამისად, თქვენი პერსონალური მონაცემების დამუშავებასთან დაკავშირებით, შეიძლება შემდეგი უფლებები გქონდეთ:

- თქვენი პერსონალური მონაცემები არ მოგვანოდოთ (თუმცა, გთხოვთ გაითვალისწინოთ, რომ ჩვენ ვერ შევძლებთ Kia-ს აპლიკაციის და Kia-ს აპლიკაციის სერვისების სარგებლის და უპირატესობების სრულად მოწოდებას, თუ თქვენს პერსონალურ მონაცემებს არ მოგვანვდით (მაგ.: აუცილებელი მონაცემების გარეშე, შეიძლება თქვენი მოთხოვნები ვერ დავამუშაოთ));
- მონაცემების არსის, დამუშავების და გამჟღავნების შესახებ ინფორმაციასთან ერთად, თქვენი პერსონალური მონაცემების ასლები, ან მონაცემებზე წვდომა მოითხოვოთ;
- თქვენს პერსონალურ მონაცემებში ნებისმიერი უზუსტობის გასწორება მოითხოვოთ;
- კანონის საფუძველზე: (i) თქვენი პერსონალური მონაცემების წაშლა; ან (ii) თქვენი პერსონალური მონაცემების დამუშავების შეზღუდვა მოითხოვოთ;
- გარკვეული პერსონალური მონაცემები სტრუქტურირებული, საზოგადოდ გამოყენებადი და მონაცემების მიერ ნაკითხვადი ფორმატით, დადგენილი წესით, სხვა მაკონტროლებელს გადასცემთ;
- თქვენი თანხმობა გააუქმოთ, როდესაც თქვენი თანხმობის საფუძველზე, თქვენს პერსონალურ მონაცემებს ვამუშავებთ (ასეთი გაუქმება გავლენას არ იქონიებს იმ დამუშავების კანონიერებაზე, რომელიც თქვენ მიერ თანხმობის გაუქმებამდე შესრულდა და ხელს არ შეუშლის თქვენი პერსონალური მონაცემების დამუშავებას სხვა შესაბამისი სამართლებრივი საფუძველების გათვალისწინებით); და

- თქვენი პერსონალური მონაცემების დამუშავებასთან დაკავშირებით, მონაცემთა დაცვის კომპეტენტურ ორგანოში საჩივარი შეიტანოთ (მაგ.: გაერთიანებულ სამეფოში, ინფორმაციის კომისიის ოფისი (<https://ico.org.uk/>) ან ევროკავშირის ქვეყნებში, სადაც ცხოვრობთ ან მუშაობთ, ან სავარაუდო დარღვევა მოხდა, ევროკავშირის წევრი ქვეყნის მონაცემთა დაცვის ორგანო (აღნიშნული სამსახურების ჩამონათვალი იხილეთ ბმულზე: https://www.edpb.europa.eu/about-edpb/about-edpb/members_en))).

მოქმედი კანონმდებლობის შესაბამისად, თქვენი პერსონალური მონაცემების დამუშავებასთან დაკავშირებით, ასევე შეიძლება შემდეგი უფლებები გქონდეთ:

- **გაპროტესტების უფლება, თქვენი კონკრეტული სიტუაციის საფუძველზე, ჩვენ მიერ ან ჩვენი სახელით, თქვენი პერსონალური მონაცემების დამუშავების თაობაზე, როდესაც ასეთი დამუშავება GDPR-ის 6(1)(ე) (საჯარო ინტერესი) ან 6(1)(ვ) (კანონიერი ინტერესები) მუხლებს ეფუძნება; და**
- **გაპროტესტების უფლება, ჩვენ მიერ, ან ჩვენი სახელით, პირდაპირი მარკეტინგული მიზნებისთვის, თქვენი პერსონალური მონაცემების დამუშავების თაობაზე.**

თქვენს კანონით გათვალისწინებულ უფლებებზე ეს გავლენას არ ახდენს.

ამ უფლებებიდან, ერთი ან მეტი განხორციელებასთან დაკავშირებით, ან ამ უფლებების, ან Kia-ს აპლიკაციის კონფიდენციალურობის შეტყობინების შესახებ ნებისმიერი სხვა დებულების, ან თქვენი პერსონალური მონაცემების ჩვენ მიერ დამუშავების შესახებ კითხვებთან დაკავშირებით, შეგიძლიათ ზემოთ, მე-2 და მე-3 პუნქტებში მითითებულ საკონტაქტო მონაცემებზე მიმართოთ:

- ზოგიერთ შემთხვევაში, ვიდრე ამ უფლებების განხორციელებას შეეძლებოდა, თქვენი პირადობის დამადასტურებელი დოკუმენტის წარმოდგენა აუცილებელი იქნება; და
- როდესაც თქვენი მოთხოვნა დამატებითი გარემოებების დადგენას საჭიროებს (მაგ.: რომელიმე დამუშავების მოქმედ კანონმდებლობასთან შესაბამისობის განსაზღვრა), თქვენს მოთხოვნას ყოველგვარი დაყოვნების გარეშე, ჩვენ მიერ შემდგომი ზომების მიღებამდე განვიხილავთ და შევისწავლით.

12. KIA-ს აპლიკაციის გამოყენების პირობები

Kia-ს აპლიკაციის და Kia-ს აპლიკაციის სერვისების გამოყენებაზე, Kia-ს აპლიკაციის გამოყენების ჩვენი პირობები ვრცელდება, რომლებიც აქ არის ხელმისაწვდომი. დაკავშირებული სერვისების გამოყენება Kia Connect-ის გამოყენების პირობებით რეგულირდება, რომლებიც ხელმისაწვდომია ბმულზე: <https://connect.kia.com/uk/kia-connect-legal-document1/>. გირჩევთ, რეგულარულად შეამოწმოთ ეს პირობები, რათა ჩვენ მიერ დრო და დრო შეტანილი ცვლილებების ნხვა შეძლოთ.

13. განახლებები

კონფიდენციალურობის შესახებ Kia-ს აპლიკაციის ეს შეტყობინება შეიძლება დრო და დრო შეიცვალოს, ან განახლდეს, იმ ცვლილებების პრაქტიკაში ასახვის მიზნით, რომლებიც პერსონალური მონაცემების დამუშავებას, ან მოქმედ კანონმდებლობაში ცვლილებებს უკავშირდება. მოგიწოდებთ, Kia-ს აპლიკაციის კონფიდენციალურობის შეტყობინება ყურადღებით წაიკითხოთ და ეს გვერდი რეგულარულად შეამოწმოთ, რათა ნებისმიერ ცვლილებას გაეცნოთ, რომლებიც შეიძლება ამ შეტყობინების პირობების შესაბამისად შევიტანოთ.

14. განმარტებები

“**მაკონტროლებელი**” - ფიზიკური ან იურიდიული პირი, საჯარო ორგანო, სააგენტო, ან სხვა ორგანო, რომელიც დამოუკიდებლად, ან სხვებთან ერთობლივად განსაზღვრავს პერსონალური მონაცემების დამუშავების მიზნებსა და საშუალებებს.

“**მონაცემთა დაცვის ორგანო**” - დამოუკიდებელი საჯარო ორგანო, რომელსაც მონაცემთა დაცვის მოქმედ კანონმდებლობასთან შესაბამისობის ზედამხედველობა კანონით ევალება.

“**GDPR**” - ევროკავშირის რეგულაცია (EU) 2016/679 (მონაცემთა დაცვის ზოგადი რეგულაცია).

“**პერსონალური მონაცემები**” - ნებისმიერი ინფორმაცია, რომელიც იდენტიფიცირებულ, ან იდენტიფიცირებად ფიზიკურ პირს უკავშირდება.

“**დამუშავება**” - ნებისმიერი მოქმედება, ან მოქმედებების ერთობლიობა, რომელიც პერსონალურ მონაცემებზე ან პერსონალურ მონაცემთა ერთობლიობაზე ხორციელდება, როგორცაა შეგროვება, ჩანერა, ორგანიზება, სისტემატიზება, შენახვა, ადაპტაცია ან შეცვლა, ამოღება, კონსულტაცია, გამოყენება, გამჟღავნება გადაცემის გზით, გავრცელება, ან სხვაგვარად ხელმისაწვდომობა, გასწორება ან გაერთიანება, შეზღუდვა, წაშლა ან განადგურება.

“**დამუშავებელი**” - ფიზიკური ან იურიდიული პირი, საჯარო ორგანო, სააგენტო, ან სხვა ორგანო, რომელიც მაკონტროლებლის სახელით, პერსონალურ მონაცემებს ამუშავებს.